



Zenica, 10.03.2016. godine

**Služba za zajedničke poslove
- ovdje -**

Vaš znak:

Naš znak broj: 05-25-06299-7/16

Predmet: Zahtjev za objavljivanje javnog poziva

Molimo Vas da izvršite objavljivanje javnog poziva, kojeg dostavljamo u prilogu ovog akta, u „Službenim novinama Federacije BiH“ i „OSLOBOĐENJU“.

Molimo Vas da nas izvijestite o datumu objavljivanja dostavljenog javnog poziva, s obzirom da rok za dostavu ponuda teče od datuma zadnjeg objavljivanja.

S poštovanjem,

Prilog: 1 x Javni poziv za crpljenje i zahvatanje izvorske vode na lokalitetu Donji Rakovac, općina Maglaj.

Dostavljeno:

1 x Naslovu,

1 x web strana Kantona,

1 x a/a.



Obradivač:
Senada Malićbegović



Na osnovu Zakona o koncesijama Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 5/03) i Odluke Vlade Zeničko-dobojskog kantona o pristupanju provođenja procedure dodjele koncesije za crpljenje i zahvatanje izvorske vode i flaširanje iste na lokalitetu Donji Rakovac, općina Maglaj, broj: 02-25-4754/16 od 26.02.2016. godine, Komisija za koncesije Ministarstva za poljoprivredu, šumarstvo i vodoprivredu raspisuje:

JAVNI POZIV

I Predmet koncesije

Predmet koncesije je crpljenje i zahvatanje izvorske vode i flaširanje iste na lokalitetu Donji Rakovac, općina Maglaj, na parceli označenoj kao k.č. 2873/1 u K.O. Donji Rakovac, općina Maglaj, u količini od 0,05 l/s, na osnovu utvrđenog javnog interesa.

II Pravo učešća

Pravo učešća na ovom javnom natječaju pod jednakim uslovima imaju domaća i strana pravna lica, osnovana ili registrovana u skladu sa zakonima Federacije BiH.

III Vrijeme na koje se daje koncesija

Vrijeme na koje se daje koncesija je 30 (trideset) godina, računajući od dana zaključenja Ugovora o koncesiji.

IV Kriteriji za ocjenjivanje ponuda i dodjelu koncesije su:

Opšti eliminacioni kriteriji za izbor najpovoljnije ponude za dodjelu koncesije za crpljenje i zahvatanje izvorske vode i flaširanje iste na lokalitetu Donji Rakovac, općina Maglaj, u količini od 0,05 l/s, su:

- Dokaz o uspješnom poslovanju ponuđača u posljednje tri poslovne godine,
- Dokaz o uredno izmirenim porezima i doprinosima,
- Idejni projekat i Studija o ekonomskoj opravdanosti koncesije sa procjenom u cilju zaštite okoliša,
- Garancija banke na iznos minimalno 20 % od ukupne investicije, definisane u Studiji o ekonomskoj opravdanosti ili ovjerena mjenica na isti iznos sa mjeničnom izjavom;
- Dokaz o izmirenim obavezama po postojećim koncesionim ugovorima.

Posebni kriteriji za izbor najpovoljnijih ponuda za dodjelu koncesije za crpljenje i zahvatanje izvorske vode i flaširanje iste na lokalitetu Donji Rakovac, općina Maglaj, u količini od 0,05 l/s, su:

- Minimalni iznos tekuće koncesione naknade je 1,5% od ukupnog godišnjeg prihoda ostvarenog korištenjem koncesije, a najviše po ovom kriteriju 70 bodova
- Minimalni iznos jednokratne koncesione naknade iznosi 1,5% od ukupne investicije, a najviše po ovom kriteriju: 20 bodova
- Učešće domaćih privrednih društava u izvođenju radova, koje će koncesionar angažovati je minimalno 50%, a najviše po ovom kriteriju 10 bodova

UKUPNO: 100 bodova

V Postupak izbora najpovoljnije ponude

Izbor najpovoljnije ponude izvršiće Komisija u skladu sa važećim zakonima, propisanim kriterijima i odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03).

VI Studija o opravdanosti i Idejni projekat

Ponudač je obavezan izraditi i uz ponudu dostaviti projekat za objekte u funkciji korištenja predmeta koncesije (vodozahvat, cjevovod, objekat – punionica vode sa pratećim instalacijama), najmanje na nivou Idejnog projekta i Studiju o ekonomskoj opravdanosti koncesije sa procjenom u cilju zaštite okoliša.

VII Potrebna dokumentacija uz ponudu

Ponuda treba da sadrži:

1. naziv i adresu ponuđača;
2. ovjeren izvod iz sudskog registra;
3. izvod iz sudskog registra da ponuđač nije predmet postupka za proglašenje stečaja, za izdavanje naloga za prisilnu likvidaciju ili postizanja sporazuma s povjeriocima, ne stariji od tri mjeseca;
4. ovjeren i potpisan originalni obrazac za ponudu sa ponuđenim svim elementima koji se boduju;
5. popunjen, ovjeren i potpisan obrazac za povjerljive informacije;
6. ovjeren spisak stalno zaposlenih u firmi ponuđača;
7. dokaz o uspješnom poslovanju ponuđača u posljednje tri poslovne godine;
8. dokaz o uredno izmirenim porezima i doprinosima;
9. dokaz o izmirenim obavezama po postojećim koncesionim ugovorima;
10. izjavu o opciji ponude, koja ne može biti kraća od 6 (šest) mjeseci;
11. garanciju banke na iznos minimalno 20 % od ukupne investicije, definisane u Studiji o ekonomskoj opravdanosti koncesije ili ovjerenu mjenicu na isti iznos sa mjeničnom izjavom;

Ukoliko ponuđač ne dostavi svu traženu dokumentaciju iz tačaka VI i VII, biće eliminisan iz daljeg bodovanja.

VIII Način dodjele koncesije

Koncesija će se dodijeliti ponuđaču koji ponudi tehnički kompletnu ponudu i koji ponudi najveće iznose jednokratne i tekuće koncesione naknade, koji ne mogu biti manji od iznosa navedenih u tački IV.

U slučaju da ponuđač ponudi manje iznose koncesionih naknada od minimalnih iz tačke IV., njegova ponuda biće odbačena.

IX Preuzimanje tenderske dokumentacije

Tenderska dokumentacija se može preuzeti svakim radnim danom od 9,00 do 15,00 sati u Ministarstvu za poljoprivredu, šumarstvo i vodoprivredu Zeničko-dobojskog kantona. Preuzimanje tenderske dokumentacije vrši se uz prezentaciju dokaza o uplati naknade za učešće na javnom oglasu u iznosu od **1.000,00 KM** (slovima: hiljadu konvertibilnih

maraka), bez prava povrata, koju je ponuđač dužan uplatiti na račun broj: 134-010-000000-1672, kod IK Banke Zenica, vrsta prihoda 722631, Budžetska organizacija 2301001, broj općine 060, a primjerak uplatnice priložiti uz ponudu.

X Rok za dostavljanje ponuda

Rok za dostavljanje ponuda je 30 (trideset) dana od **zadnjeg** objavljivanja ovog javnog poziva, koji će biti objavljen u Službenim novinama Federacije BiH, u dnevnom listu „OSLOBOĐENJE“ i na web strani Zeničko-dobojskog kantona.

Ponude podnesene poslije ovog roka neće biti razmatrane i vratiće se neotvorene na adresu ponuđača.

Sva dokumentacija uz ponudu mora biti na jednom od službenih jezika u Bosni i Hercegovini.

Zapečaćena ponuda dostavlja se na adresu:

ZENIČKO-DOBOJSKI KANTON

**Ministarstvo za poljoprivredu, šumarstvo i vodoprivredu – Komisija za koncesije
“Ponuda za javni poziv za dodjelu koncesije za crpljenje i zahvatanje izvorske vode i flaširanje iste na lokalitetu Donji Rakovac, općina Maglaj“**

NE OTVARATI

Kučukovići br. 2

ZENICA 72000

XI Otvaranje ponuda

O terminu javnog otvaranja uredno prispjelih ponuda učesnici konkursa će biti naknadno obaviješteni. Javnom otvaranju ponuda mogu prisustvovati svi zainteresovani.

Sve dodatne informacije u vezi sa ovim javnim pozivom mogu se dobiti u Ministarstvu za poljoprivredu, šumarstvo i vodoprivredu, na telefon 032 460-750 i 032 460-748, fax 032 460-752 ili e-mail adresi: min.poljoprivreda@zdk.ba